

Primo quia ad te uado uenia. **Just** **H**ec uia  
est in uirtute. **D**omi est te. **Exaltatio**  
te dicit. **Exaltare** dicit iure. **Respo.**

Et passione suam q dies quadraginta apparet

Handwritten musical notation (neumes) on red lines, including a large initial 'P' and various rhythmic markings.



14

# ODA

UIRIS

MAGNIFICIS, AMPLISSIMIS, CON-  
SULTISSIMIS

DN. STEPHANO

HELMSTORFFIO

ET

DN. HEINRICO

SCHWELNBURGIO

COSS.

Reliquis item Ordinis SENATORII Liberæ ac  
Imperialis MULHUSÆ parastatis dignissimis,  
annuos imperij fasces 6. Eid. Jan. Anni  
∞ 10c xxix. recipientibus.

PRO FELICI NOVI REGIMINIS AUSPICIO,

*Conscripta*

à

TOBIA WOLFFIO MULHUSINO

G.P.p.t. Coll.

MULHUSI PRÆLO STANGIANO.







**A** Dhuc sonantem dum quatit ægida  
Pallas, cruentum trux & acinacem,  
Vibrat Liburnus, MULHUSINÆ  
Incluta sceptrā capessit urbis,  
Insigne mœstis præsidium reis,  
Et fluctuantis destina Patriæ  
HELMSTORFFIUS, SCHWELNBURGIUSQ;  
Justitiæ radians ocellus.  
Periculosa plenum opus aleæ  
Magnæq; res hæc molis erit quidem;  
Fasces sed istos ac labores  
Qui dedit, idem etiam levabit.  
Hujus, capaci quicquid enim sinu  
Mundi triformis machina continet,  
Nutu gubernatur; Potentum  
Ille animos regit unus omnes.  
Hunc si nefandô Marte lacescere  
Tentet juvenus horrida brachijs,  
Ossaq; gaudentes opacæ  
Pelion imposuisse fratres,  
Turpi ruinâ præcipites cadent.  
Nil hîc Typhoëus, aut manibus ferox  
Valet Mimas, truncis nec audax  
Enceladus jaculator altis.

Vim

Vim temperatam namque Diespiter  
Amat ; sed idem frangere barbaras  
Vires, superbos adsoletq;  
Vertere funeribus triumphos.  
Ergò furores sis licet hætenus  
Experta Martis plus vice simplici  
MULHUSA, seu te trux Iberus  
Presserit, Illyricusvè miles ;  
Benignitatem cœlicolæ tamen  
Sperare nunquam desinito Patris ;  
Sed corde confidente rebus  
Te melioribus usque serva.  
Non semper imbres sub Jove sæviunt  
Tumultuosô, nec mare turgidum  
Infestat arcturi cadentis  
Ira, nec exorientis hædi.  
Cœlô serenô fax Hyperionis  
Quandoque vultus exerit igneos,  
Et nubibus passim fugatis  
Auricomis radijs refulget.  
Nec JOVA semper terrigenis amat  
Irafcier ; vultu sed amabilis  
Renidet interdum serenô,  
Nunc mihi, nunc alij benignus.  
Delicta propter grandia plurimas  
Immisit idem Teutonix hætenus  
Clades ; paternis nec pepesit  
Finibus, Unstriaçq; terræ.

Quot

Quot Chrysyle, quot sensit atrociam  
Hartæ nemus discrimina? Scilicet

*Di multa neglecti dederunt*

*MULHUSIÆ mala luctuosa.*

Testes mearum vos latices sacri  
Sententiarum, quos Poperodicos

Lustrare campos innocenti

Sanguine vidimus inquinatos.

Et vos amœnis conscia vallibus

Vineta testor, quanta pericula

Vidistis immiti Liburno

Civibus imminuisse nostris!

Quàm penè sedes mortis adivimus

Caliginosas? quàm propè manium

Umbras silentes Æacumq;

Vidimus Elysiosq; campos!

Præsente sed nos eripuit Deus

Leto; *benignus nam medios solet*

*Inter furores esse, nostrum*

*Nec cupit interitum necemvè.*

Agnosce tantæ, PATRIA, gratiæ

Magmenta, nunquam laudis honoribus

Obliterandæ cœlitemq;

Tollito tergeminiis monarcham.

Qui consulenti jam nova Curia

Dat sceptrum, Conscriptos publicæ rei

Donatq; Patres, æquitatis

Et Themidos fideiq; amantes.

O firmet

O firmet horum motibus enthei  
Idem-ille mentes Flaminis, omnibus  
Ut sit salutis promovendæ  
Sionidum unum opus atq; cura!  
Sic cuncta rectô stare videbimus  
Talô, MULHUS Æ mœnia quâ secat  
Cursu citatô Suemnia, atque  
Latifalæ levis unda fontis.  
Ac ceu furenti quùm pelagô micant  
Fratres Amyclæi, reticet mare,  
Ventiq; ponunt, atque gratantur  
Compositâ Palinurus undâ  
Carpit quietem : Sic fugient graves  
Belli tumultus Consulibus novis,  
Et Patriæ tandem redibit  
Pacis amœna quies; *Futurum est!*

F I N I S.









**Et** **dominus** **procepit** **eis**  
**omnia** **via** **domini**

**Et** **dominus** **procepit** **eis**  
**omnia** **via** **domini**

**Et** **dominus** **procepit** **eis**  
**omnia** **via** **domini**

**Et** **dominus** **procepit** **eis**  
**omnia** **via** **domini**



MAGNIFICIS  
 SU.  
 DN. ST  
 HELM  
 DN. H  
 SCHW  
 Reliquis item Ordinis  
 Imperialis MULH  
 annuos imperi  
 ∞ loc  
 PRO FELICI NO  
 TOBIA WO  
 G  
 MULHUSI



14

